



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Eo qvi Mittitur in possessionem causa rei seruandæ. Titulus XV.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

DE EO QVI MITTL
tur in possessionem cau.
sa rei seruandæ.

Titulus XV.

Continuatio.

Dictum est, in reali actione, mittendum Actorem in rei petite possessionem, causa rei seruandæ, vt tædio affectus Reus contumax veniat responsurus. Qui, si venerit intra annum, iudicio sisti, præstita cautione, ac exhibita satisfacti-
one congrua expensarum possessionem recupe-
ret. Quòd si cautionem intra annum offerre ne-
glexerit, Actor per iteratam iudicis missionem
verus constituetur possessor, super proprietate
duntaxat aduersæ parti defensione legitima re-
seruata. Debet autem vtraque missio per interpo-
sitionem decreti iudicis fieri.

Quotuplex est Decretum?

Duplex, Primum & Secundum.

Quid est Primum?

Primum decretum est, prima, à iudice iubente in possessionem rei seruandæ causa, facta missio, c. nos sumus, 13. q. 1.

Quæ causa Efficiens?

Iussus iudicis ordinarij mittentis obediètem in possessionem bonorum, causa rei seruandæ, ob contumaciam absentis, cap. constitutis, extr. eod.

Quæ

Quæ causa Procatartica?

Petitio & instantia Actoris, Rei contumaciam accusantis, c. quoniam, extr. vt lite non contest.

Quæ causa Impulsiva?

Est proteruitas cōtumacis Rei, & equitas conseruandi iuris competentis, c. 1. extr. eod. c. contingit, §. ne igitur, extr. de dolo, & cont.

Quod Obiectum?

Missio in possessionem rerum mobilium, & immobilium, tam in actione reali, quàm personali, c. quoniam, extr. vt lite non contest.

Quæ Forma interponendi primi Decreti?

Vt, si tribus edictis, vel vno peremptorio citatus Reus non veniat, in actione reali mittatur Actor Rei contumaciam accusans, & se mitti petens, in rei petite possessionem, vt tædio affectu Reus, veniat respōsurus. In personali autem decernat iudex Actorem mitti in possessionem mobilium ipsius, vel immobilium, si fortè mobilia non habeat, pro modo debiti in libello declarati, d. c. quoniam. Exceptis quibusdam casibus, quibus non, pro modo debiti, sed simpliciter in possessionem mittitur. Primò, si petitur liber homo exhiberi, neque exhibetur: quia tunc fit missio in possessionem omnium bonorum, l. 3. ff. de lib. homine exhib. Ratio est. Quia libertas est res inæstimabilis, l. libertas est, ff. de reg. iur. Secundò, quando quis in possessionem mittitur ex beneficio Carboniani edicti, per totum, ff. de Carb. edict. Tertio, quando quis mittitur in possessionem, ex ventre, ff. de ventre in possessione mitt. l. 1.

Qui

Qui sunt Effectus primi Decreti?

Si in actione personali decretum interpositū fuerit, primus effectus est: quod missus habeat custodiam & defensionem rerum, quod dicitur iudiciale & prætoriū pignus: Videtur. n. sibi constitutū, simulatq; in possessionem inductus est, l. fin. C. de præt. pign. l. si legati, C. vt in pos. leg. 2. Interdictum, Vti possidetis, quod cōpetit pro defensione illius possessionis: & actio in factum quanti illa res erit. 3. Quod missus potior est alijs venientibus postea: quia habet hypothecam lege tacite constitutam, & etiam his, qui postmodū simili iussu iudicis capiunt. 4. Missus in possessionem ex primo decreto, verè non possidet, sed detentionem & custodiam habet, l. si finita, ff. de dam. infect. l. si duo, ff. vti poss. 5. Perceptio fructuum, quæ in possessionem misso, tanquam conuentionali creditori, conceditur, licet Reo intra annum venienti præstita cautione solita restituantur, cap. 2. extr. de sequestr. possess. l. Fulcinius, ff. ex quibus causis in poss. 6. Quod nisi debitor satisfaciat creditori misso in possessionem, poterit ipse creditor, sine libello petere à iudice bona vendi, in quorum possessionem missus est, si debitor latitat. 7. Quod missio vnius creditoris profit omnibus eiusdem tituli, l. 1. ff. de bo. auct. iud. possid.

Sin autem in reali actione, ob contumaciã absentis Rei, missio ex primo decreto facta sit, erit huius effectus. Primò: quod acquiratur misso

actio

actio ex illo edicto, ne fiat vis ei, &c. toto tit. ff. ne fiat vis ei qui, &c. Hoc enim prætoris edictum pertinet ad omnes cuiuslibet generis in possessione missos, l. 1. d. tit. 2. Quod idem de perceptione fructuum, ut in actione personali, obseruetur, 3. Quod statim incipiat possidere verè, non tamè incommutabiliter. Quia si Reus intra annum venerit, cautionemq; iudicio fisti, & exoluerit expensarum præstiterit, restituetur ei possessio. Quod si autem cautionem offerre neglexerit intra annum, Actor post annum verus & incommutabilis, etiam absque secundi decreti interpositione efficitur possessor, c. quoniam, extr. ut lite non.

Ratio autem diuersitatis, cur missus in personali non possideat, in reali verò sic hæc est. Quia quando ago personali, ago contra illum, qui mihi obligatus est ex contractu, vel quasi, ex malicio, vel quasi. Quare si mittor in possessionem pro mētura debiti declarati in libello quodam, extraordinario iure mihi subuenitur. quia, ut ita dicam, mittendus essem in personæ possessione, quæ obligata est: sed quia persona libera possideri nō potest, ideò mihi succurritur in rebus, non ut eas possideam, sed ut custodiam, donec remedio affectus contumax, vel mihi soluat, vel ad iudicem veniat responsurus. Sunt tamen qui dicunt, missam nec in reali possidere, sed custodire & detinere, per text. in c. pastoralis, de off. ord. & c. contingit, extr. de dol. & cont. vbi dicitur: quod post annum verus efficiatur possessor, ergo antea non fuit, c. 1. extr. eod. Sed verius est, missum ex primo decreto in actione reali, verè possidere.

dere. Quia verbum, in d. cap. quoniam (verus) debet exponi, id est, incōmutabilis. Quia verè possidebat intra annum, sed commutabiliter, quod etiā probat d. c. pastoralis, vbi dicitur, quòd post annum recuperet Reus possessionem, ergo apparet, quòd amiserat. Et huic opinioni cōsentit etiam c. 1. extr. de sequestr. posses.

Quid est secundum Decretum?

Secundum decretum est, secundus iussus iudicis, quo missus in possessionem verus & incōmutabilis efficitur possessor, c. 1. extr. de eo qui mitt. in pos. l. pratoris, ff. de dam. infecto.

Quæ est causa Efficiens?

Est secundus iussus iudicis cuiuslibet ordinarij, habentis merum vel mixtum imperium. Est enim hoc meri imperij, & cognitionem habet penitentiariam, l. iubere, ff. de munici. c. ex literis, extr. de off. deleg. c. 1. extr. eod.

Quod Obiectum?

Iteratā missio in possessionē earum rerū quās missus ex primo decreto antea, non nisi detinebat & custodiebat. quod locū habet in causa dāni infecti, duplicibus iudicijs, & omnibus actionibus personalibus: non aut realibus. Quia in ijs transitus vnus anni, à tempore interpositionis primi decreti computati, absque sententia, vel vltiori decreto, facit missum ex primo decreto, verum & incommutabilem possessorem, c. contingit, extr. de dol. & cont. c. pastoralis, extr. de off. & ord. Quod non est in personalibus, in

Y quibus

quibus lapsus anni non facit missum possessorem sine secundo decreto. imò etiam post annum au-
diatur Reus super possessione, nisi res iudicis au-
thoritate sit distracta & vendita, Specul. tit. de se-
cundo decreto, & c. qui etiam huius diuersitatis
rationem ponit, & Bart. in gl. vlt. c. 1. extr. eodem,
& c. contigit, extr. de dolo, & cont.

*Quæ Forma secundi Decreti
interponendi?*

Secundum decretum nunquam interponi-
tur, nisi cum causæ cognitione, & vtraque parte
præsente, ideò ad petitionem missi in possessio-
nem aliquarum rerum, pro mensura debiti in fi-
bello declarati, iudex contumacem citabit, mo-
nebitq; vt pareat, & iudicio sisti caueat: quòd si
intra annum à tempore primi interpositi decre-
ti computandum, hoc contumaciter recusaue-
rit, per notarium vel tabellionem, omnium rerum
inventario cōfecto, & earundem æstimatione fa-
cta, constituet creditorem ex secundo decreto,
verum & incommutabilem possessorem: vel re,
in cuius possessionem missio facta est, eidem in-
solutum adiudicabit, vel, autoritate publica
vendendi facultatem concedet.

Qui Effectus?

Primò est. quòd per secundum decretum ali-
quando acquiratur dominium, c. 1. eod. Secùdò,
quòd creditor, cui res insolutum data est, habe-
at iustā causam possidendi, & præscribendi, siue
debitor fuerit dominus illius rei, siue non, c. Ab-
bate, de sent. & re iud. in 6. Et est ratio. Quia iuste
pos-

possidet, qui, prætoris auctore, possidet, l. iuste, ff. de acquir. pos. Tertio, per hoc creditori facultas fit istam rem vendendi. Tamen ad venditionem hanc, secundum Speculat. quatuor coniunctim requiruntur: 1. Quod missionem passus latitet, dicitur autem latitare, quando turpiter, & fraudulenter se occultat, ut euitet creditores, l. cum proponas, C. de bo. auct. iud. pos. 2. Quod fraudandi causa latitet, l. Fulcinius, ff. quib. ex causis in pos. 3. Ut de debito constet. 4. Ut tempus sit præteritum, & dies soluendi effluxerit, d. l. cum proponas. Decreta igitur venditione, & facta sententia diffinitiva, nunquam Reus auditur, verum decreto insolutum facto Actori, auditur adhuc Reus, volens de iure suo probare. Si verò res creditori adiudicata, vel vendita non fuerit, debitor in personali actione rem recuperare potest, vsq; ad 30. annos: Actori tamen, impensis, & interesse solutis, &c.

A X I O M A T A.

Missus in possessionem ex primo decreto in reali, per lapsum anni veram & incommutabilem illius rei possessionem acquirit, c. 1. extr. eod.

Voluntas, ad effectum non deducta, nulla est, d. cap. 1. eod.

Si passus missionem, repetens possessionem, allegat, se contumacem non fuisse, restituitur in pristinum statum, præstita cautione, & dilata condemnatione expensarum, quam euitat, si postea constiterit, eum non fuisse contumacem, c. penul. extr. eod.

T 2

Si agitur

Si agitur actione personali, primò mittitur Actor in possessionem mobilium, si extant, alioquin immobilium, postremò etiam nominum, sicuti fit in executione rei iudicata, l. à diuo, ff. de re iud.

Missus in possessionem, ex primo decreto, non utetur bonis illis, vel fructibus, in quorum possessionē missus est, sed eos restituet infra annum cum ipsa re, c. 2. extr. de sequestrat. pos.

Vbi agitur personalibus actionibus pro temporalibus, non fiet missio in possessionem spiritualium, pro mensura debiti declarati, c. 1. extr. de iniurijs.

Creditor cuius, siue purè, siue in diem, siue sub conditione aliquid ei debeatur, potest postulare, vt in possessionem mittatur.

Hereditate petita ex testamento, vel ab intestato fieri potest missio in possessionem bonorum totorum.

Primum decretum generaliter interponitur, quotiescunque quis non defenditur, tam in realibus, quam personalibus actionibus, cap. quoniam, extr. vt lite non contest.

Iuris beneficium nemini est denegandum, c. frequēs, §. solet, extr. de rest. spoliat.

Secundum decretum nūquam interponitur, nisi cum causa cognitione, & vtraque parte presente, cap. 1. extr. eod. & cap. quoniam, §. quòd si super, extr. vt lite non contest.

Creditor, cui res in solutum data est, per secundum decretū, iustam causam possidendi & prescribēdi habet, c. Abbate, in 6. de re iud.

Iustè possidere censetur qui auctore pratore possidet.

Iudex

*Iudex potest decernere, iurisdictionem esse faciendam
in bonis, non sua iurisdictionis.*

*Superfluum est, petere quod de iure communi com-
petit.*

*Quod meum est, amplius meum fieri non potest, c. in-
ter dilectos, extr. de fide instrum.*

VT LITE PENDENTE nihil innouetur.

Titulus XVI.

Continuatio.

Lite pendente nihil innouandum: ita, vt nec
per missum in possessionem, causa rei seruanda,
nec missio nem passum, vel si missio facta
non sit per alterutrum litigantium ad inter-
uertendam, vel alienandam rem litigiosam quid
attentari debeat.

*Quomodò litis pendentia
fiat?*

Lis pendere dicitur, non tantum per litis con-
testationem, sed etiam per citationem, qua Reo de
negotio principali, super quo instituitur actio,
instruitur, deducto nomine litis, à contentione
limitis. Vnde Virgilius:

*Limes erat positus, litem vt discerneret agris,
c. forus, extr. de verb. sign. Clem. cum lite, tit. vt
lite pendente nil innouetur.*

Y 3 Qua